

Na sesión celebrada na data que se indica, adoptouse o seguinte

ACORDO:

Na cidade de Ourense, a vinteito de marzo de dous mil.

Visto o expediente de clasificación do monte como veciñal en man común integrado por dúas parcelas e denominado *Comunal de Carpacedo e Penelas*, por solicitude dos veciños do lugar de Oimbra.

Resultando que con data 17 de marzo de 1997, tivo entrada no rexistro da delegación provincial da Consellería de Agricultura, Gandería e Montes, en Ourense, escrito dirixido ó Xurado Provincial de Montes Veciñais en Man Común asinado polos veciños do lugar de Oimbra, Concello de Oimbra (Ourense), solicitando se declare o monte "Comunal de Carpacedo e Penelas 1, e Penelas 2" como veciñal en man común.

Resultando que o Xurado provincial en sesión celebrada en data trinta de xuño de mil novecentos noventa e sete, acordou tomar en consideración o citado escrito e inicia-lo expediente de clasificación do monte designando instructores do mesmo a D. José Ramón Goyanes Flores e a D. José Manuel Baltar Blanco, os que aceptaron tal cargo, librándose mandamento para a anotación preventiva no Rexistro da Propiedade de Verín e remitíndose





comunicacións dirixidas ós veciños do lugar de Oimbra , ó Ilmo. Sr. presidente da Deputación provincial de Ourense, ó Sr. alcalde do Concello de Oimbra , á Delegación Provincial da Consellería de Política Territorial, Obras Públicas e Vivenda, á Xerencia Territorial do Catastro, e ó xefe do Servicio de Montes e Industrias Forestais, e ó Servicio de Extensión Agraria, publicándose edictos no Diario Oficial de Galicia e no taboleiro de anuncios do Concello de Oimbra , durante o prazo dun mes segundo consta en dilixencia estendida ó dorso do edicto polo secretario do citado concello, para que durante o prazo sinalado en edictos os interesados puidesen comparecer ou intervir nel, en defensa dos seus dereitos, e non consta presentada ningunha alegación..

Resultando que a anotación preventiva de iniciación do expediente, se practicou no Rexistro da Propiedade de Verín , como segue:

Tomo 694 , Libro 49 , Folios 144 , Anotación Letra A.

Resultando que na reunión do Xurado do 30 de setembro de 1998 se adoptou o acordo de nomear instrutora a Miriam Areal López en substitución de José Manuel Baltar Blanco nos expedientes de clasificación pendentes.

Resultando que na tramitación do expediente cumpríronse ~~tódalas~~ formalidades legais.



Considerando que o Xurado Provincial de Clasificación de Montes Veciñais en Man Común, ten xurisdicción e competencia para coñece-los expedientes de clasificación dos montes que teñan tal carácter a teor do establecido no artigo 9 da citada Lei.

Considerando que o tipo de comunidade xermánica que institúe a Lei de Montes Veciñais en Man Común ten como características esenciais as seguintes:

- 1) Que os condominios se unen por vínculos persoais de veciñanza agrupados en parroquias, aldeas, lugares, casaríos ou barrios non constituídos formalmente en entidades municipais;
- 2) Que polo tanto o número de titulares é variable e indeterminado;
- 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cota no sentido xurídico-romano;
- 4) Que o patrimonio e a participación é inalleable, imprescriptible e inembargable; e
- 5) Que a comunidade é indivisible, non podendo os comuineiros pedi-la "actio communi dividundo".

Considerando que segundo informacións e testemuños resulta que os montes citados son aproveitados e posuídos en réxime de comunidade xermánica polos veciños do lugar de Oimbra, no Concello de Oimbra



Considerando que examinada a documentación e comprobado en terreo a inexistencia, coma consecuencia da concentración parcelaria, da parcela que aparece descrita coma Penelas I na solicitude de clasificación.

Os datos do citado monte son os que se referencian na parte dispositiva deste acordo.

Considerando que das informacións recollidas resulta que os veciños do lugar de de Oimbra , están conformes coa clasificación do citado monte como veciñal en man común.

Considerando que a teor do disposto na Lei de Montes Veciñais en Man Común, o expediente de clasificación se iniciou por acordo do Xurado, por instancia dos veciños do lugar de Oimbra, para que este xurado puidese acorda-la iniciación do expediente de clasificación.

Vista a Lei galega 13/1989, do 10 de outubro, de montes veciñais en man común e o seu Regulamento, o Decreto 260/1992, do 4 de setembro , así como o establecido na Lei de réxime xurídico das administracións públicas e do procedemento administrativo común, do 26 de novembro de 1992 modificada pola Lei 4/1999.



Visto o Decreto 482/1997, do 26 de decembro, polo que se establece a estrutura orgánica da Consellería de Medio Ambiente.

O Xurado Provincial de Clasificación de Montes Veciñais en Man Común, á vista dos antecedentes e fundamentos expostos e por unanimidade dos seus membros:

ACORDA:

Primeiro. - Clasifica- lo monte integrado por dúas parcelas e denominado *Comunal de Carpacedo e Penelas*, de 5 ha 22 a 68 ca, aproximadamente en conxunto, de superficie a favor dos veciños do lugar de Oimbra, parroquia de Oimbra, no Concello de Oimbra, e cos datos que a seguir se relacionan, coma veciñal en man común, en réxime de comunidade xermánica.

Os datos do citado monte son:

Concello: OIMBRA

Denominación: monte integrado polas parcelas denominadas "COMUNAL DE CARPACEDO, e PENELAS-".

Comunidade propietaria: veciños de OIMBRA.

Superficie: 5 ha 22 a 68 ca aproximadamente en conxunto.



Parcela: Comunal de Carpacedo:

Superficie: 4 ha 02 a 03 ca, aproximadamente.

Estremas:

Norte: Camiño de Carpacedo.

Sur: Parcela nº 184 a nome de herdeiros de José Gómez Rodríguez termo
municipal de Verín.

Leste: Camiño Carpacedo.

Oeste: Regato de Lagoa, parcela nº 416 a nome de Francisco Valles
Afonso, parcela nº 130 a nome de Pedro Valles Afonso e camiño.

Parcela : Penelas :

Superficie: 1 ha 20 a 65 ca, aproximadamente.

Estremas:

Norte: Parcela nº 23 a nome de Rosa García Feijoó, parcela nº 24 a
nome de Josefa Valles Afonso e zona excluída.

Sur: Parcela nº 26 a nome de Dolores Rodríguez Pardo, e outros, e
parcela nº 25 a nome de Francisco Rodríguez Pardo.


Leste: Estrada de Oimbra – San Cibrao


Oeste: Parcela nº 19 a nome de Manuel Pardo Rodríguez




Segundo.- Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.


Notifíquese esta resolución ó alcalde-presidente do Concello de Oimbra, ós representantes da comunidade veciñal, ó xefe do Servicio de Montes e Industrias Forestais, ós que se lles fará saber que esta resolución, que pon fin á vía administrativa, pode ser obxecto de recurso de reposición potestativo perante o Xurado Provincial de Clasificación de Montes Veciñais en Man Común de Ourense, no prazo dun mes, ou recurso contencioso-administrativo perante o Xulgado do Contencioso-Administrativo de Ourense no prazo de dous meses, ámbolos dous prazos a partir do día seguinte ó da publicación no *Diario Oficial de Galicia* (artigos 109 e 116 da Lei 30/1992, do réxime xurídico das administracións públicas e do procedemento administrativo común, modificada pola Lei 4/1999, e artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.)







SEPTIEMBRE 1975



N.º DES. AZ. 191-
 575 AL LADO DEL 22
 576 - - - 248
 588 - - - 28
 592 - - - 291

DIEN 15 MARZO DE 1975

Escala 1:6000